

NOTFAU: Malu, 17j.



suechet dringänd äs nöiis Daheime i Wohnigshautig

Hoi Du

Ja DU, Dig mein ig. Bisch Du min nöiie Mönsch? Nach Dir suech ig! Warum? Mis liebs Froueli isch leidr schwär erkrankt u drum wohn ig derziit uf enere Pflägschtäu. Dört chan ig abr nur bis Änds Juli bliibe. U denn? Ebe, drum!

Ig bi „ersch“ 17jährig, kaschtriert, gimpft, shtuberein, pflägeliecht, uchompliziert u gsung, ig hör nur es bitzeli schlächt u mini Nierewärte sy es bitzeli erhöht. Das isch abr normau i mim Autr, ig bruuche chei Medis odr so. Apropos Autr: ungerschätz mi nid, ig bi fit u sähr verschpiut, ig liebe zum Biischpiu z'Chlickere, das häut's Hirni fit. Ig wott no viu Ungerhautig ha, nid nur so de ganz Tag ufm Sofa höckle. Mach ig scho gärn mit Dir, abr nid de ganz Tag, ig muess mi u mis Hirni bewäge. Ig bi ganz ganz e Liebi, bi Frömdi entscheidet abr d'Chemie: entweder ig mag Di, denn bin ig ganz nöigiirig u verschmuest u hole mini Schtriicheleiheite ab. Odr ig ha chei Draht zu Dir, denn ignorier ig Di. Probier's us u bsuech mi einisch. Mir wärde seh!

Ig chenne u bruuche nur Wohnig mit gsicheretem Baukon, en gsicherete Garte wär ou öppis. U ig wär gärn dini Einzelprinzessin, Hung u Chatz wott ig nid daheime. Grösseri Ching so ab 12i sy cheis Problem, da hätt ig öpper zum Schpiue. Ig bi s'perfäkt's Büsi für e Familie odr sähr fitti Pensionär mit viu Ziit für mi. Eifach chei vouziit Bruefstätigi, bi nid gärn d'ganz Wuche allei. Bisch Du pensioniert odr schaffsch Du teilziit odr im Homeoffice u bisch Du sunsch ou oft dihei? U möchtisch Du mi uf Läbänsziit verwöhne? Das wär's! Denn müeset mir üs unbedingt lehre chenne. Ig wohne im Moment z'Elfingen/AG, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli.

Dini Malu



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch